





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
78/A







Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
78/A





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
78/A



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
78/A



Handwritten text in a cursive script, likely a list or index, spanning the top of the page. The text is faint and difficult to decipher.

LIBRARY  
OF VANIS



3437

(3)

# ORATIO

SOCRATIS AD PHILIPPVM RE-  
GEM MACEDONVM, DE CON-  
CORDIA DOMI CON-  
STITVENDA, ET BEL-  
lo transferendo in Asiam  
contra barbaros, con-  
uersa ex græ-  
ca a Georgio  
Sabi-  
no.

ANNO. M. D. XXXI.



OTTA

OTTA

OTTA

OTTA

OTTA

OTTA

OTTA

ORNE  
DE VANIA

CLAR  
TOR  
GO

C  
Re: mon  
Solu ad  
Comm  
Poffe  
Ergo me  
Te me  
Hic liber  
Dignu  
Tropia  
Volu  
Hec nou  
Grea  
Sudet, ab  
Adery  
Veru in ex  
Argu



CLARISSIMO VIRO DN. DOC  
TORI CHRISTOPHORO TVR=  
co iurifconsulto Cancellario princi=  
pis Moguntini suo patrono.

Georgius

Sabi =

nus .

Cum tua facundæ mibi græcia cognita linguæ  
Esset, & ingenij dextera fama tui,  
Nec meus auderet sine Mecenate libellus,  
Solutus ad ignotas principis ire fores,  
Commendata tuo mea scripta favore putabam,  
Possæ sacro tanti præsulis ore legi.  
Ergo uir eloquij clara æleberrime fama,  
Te inuenis suppex uersibus oro meis,  
Hic liber ingenio tibi si candore probatus,  
Dignus honorato principe uisus erit,  
Vt nostra exhibeas illi non noxia scripta,  
Mollia cum fandi tempora nactus eris.  
Hæc noua quæ lacijs oratio reddita uerbis,  
Græca sed, a summo Rhetore scripta, fuit,  
Suadet, ab Herculeo Mæcedum Rex natus Amynta,  
Aduersus patriam ne ferat arma suam,  
Vertat in externas sed bella domestica gestes,  
Argolico subdens Persia regna iugo.

A ij

Sic



Sic tuus hoc utinam discordi tempore princeps.  
Cæsaris ingenium flectere mite queat,  
In patria gratæ conseruet ut ocia pacis,  
Bellaq; cum diro iusta latrone gerat.  
Qui ducis Austriaci tot cladibus afficit urbes,  
Vastat & hostili Pannonia regna manu,  
Seq; triumphato moturum uictor ab Istro,  
Ad liquidas Rheni castra minatur aquas,  
Si mea nunc igitur te iudice scripta placebunt,  
Atq; uidebuntur præfule digna tuo,  
Quem damus, augusta precor hunc de pace libellū,  
Vt tua propenso lingua fauore iunet.

REVE



REVERENDISSIMO ET ILLVS-  
TRISSIMO PRINCIPI AC DOMI-  
no, domino Alberto Cardinali Electori, Archiepis-  
copo, Moguntino, Madeburgensi, primati  
Germaniae, Administratori Halbersta-  
densis Ecclesiae, Marchioni Bran-  
deburgensi, Principi Pomera-  
niae &c. Domino suo cle-  
mentissimo Geor-  
gius Sabinus  
S. D.



VANQVAM NVL-  
li iustius dedicant sua scrip-  
ta clarissime princeps stu-  
diosi omnes, quam tibi,  
quia uix quisquam alius prin-  
cipum melius intelligit studi-  
a aut benignius fouet erudi-  
tos, quam tu. Tamen ego

præter hanc causam, & aliam quandam in hoc  
opere tibi dedicando propriam sequutus sum. Ex-  
hibeo enim tibi orationem Isocratis, in qua uir  
illis temporibus autoritatis summæ in uniuerſa  
græcia, & concordie publicæ cupidissimus, hor-  
tatur Philippum Regem Macedonum, qui ad id  
A i j                      tempus



tempus bellum cum Atheniensib. gesserat ut pacem  
cum Græcis ciuitatib. omnib. faciat, & constitu-  
ta domi concordia bellum in Asiam una cum so-  
cijs transferat, & non modo græcos, sed etiam pa-  
triam metu seruitutis liberet. Imperabant enim  
eo tempore in Asia Persæ, qui colonias græcorum  
crudeli seruitute oppressas tenebant quiq; sæpe in  
Europa traiecerant, & græcos maximis cladib.  
affecerant, & quotidie bellum uicinis gentib. in  
Europa denunciabant. Itaq; grauißime comme-  
morat Isocrates hanc futuram esse rem maximo  
rege, ac foelicißimo imperatore dignam, si con-  
stituta domestica concordia ciuib. ac socijs par-  
cat, & pro patria aduersus externos ac barbaros  
bellum gerat. Ac profecto diuinitus admonet Iso-  
crates, se, si quid boni dixerit, non esse autorem  
existimandum, quia confectus senio propter eta-  
tis imbecillitatem res tantas perspicere non potu-  
erit, sed deum subieciße, sollicitum de græciæ salu-  
te & uolentem græcos præsentib. malis tandem li-  
berare, & Macædonum gloriam augere. Nam  
hac oratione ceu fatali uoce persicum regnum  
concidit. Philippus enim autoritate huius oratio-  
nis excitatus omnia ad tantum bellum necessaria  
comparare cœpit, sed morte impeditus successio-

ncm



nem huius gloriæ filio Alexandro reliquit. Quem  
græci scribunt, & si domesticis bellis implicitus  
erat, tamen hac oratione lecta accensum esse, ut  
rebus domi compositis, cicius in Asiam traicerit.  
Hanc orationem cum his proximis diebus legerem  
& illorum temporum motus cum presentibus con-  
ferrem, non inuitus latinam feci, sperans multos ho-  
nos uiros de repub. cogitantes, libenter eam leca-  
turos esse. Tibi autem præcipue dediui, quod  
uidere mihi quandam in ea imaginem tuorum con-  
filiorum uidebar. Nam ut Isocrates Philippo,  
ita tu Philippi filio Carolo Cæsari, qui & impe-  
rij fastigio, & fælicitate par est illius Philippi  
filio Alexandro, autor esse soles, ut constituta  
domi concordia pium & necessarium aduersus  
externos hostes bellum suscipiat. Cumq; alij non  
nulli incitent optimum principem aduersus pa-  
triam, non obscure cognouimus te autorita-  
tem tuam omnem ad pacem tranquillitatemq;  
Germaniæ conferre. Quod quidem hoc tuo  
loco dignissimum est & deo gratissimum & a  
bonis ac prudentibus uiris ad, omnem po-  
steritatem amplissimis laudibus uehetur. Nam  
hoc tuum beneficium latissime patet.

A iiij

Cum



Cum enim tales extiterint in hac natione controuer-  
sie, ut sine summo periculo ecclesie diudicari ar-  
mis non possint, si res non agetur ciuilitate, sed uio-  
lentis consilijs, nulla ad posteros ecclesia, imo ne  
posteritas quidem futura uidetur ulla. Proinde  
omnium in te bonorum uirorum oculi in uniuersa  
Germania coniecti sunt. A te secundum deum pa-  
cem atq; salutem expetunt. Quid autem tibi inter  
homines maius atq; gloriosius his iudicijs bonorum  
contingere queat, quibus tibi tribuitur tantum, ut  
in summo periculo plurimum reipub. presidij in tua  
uirtute ac sapientia positum esse credatur. Ego igitur  
ut hanc de te nostri ordinis opinionem cognosce-  
res, Isocratem ad te misi, qui uidelicet hac ipsa de re  
interdum pro nobis tecum quasi colloqueretur, et  
nostra studia ac salutem nostram tibi commenda-  
ret. Cuius orationem ut spero, cum intelliges  
cum tua sententia congruere, non aspernaberis.

Porro quemadmodum ipse Isocrates inquit,  
deum sibi consilij autorem fuisse, qui graeciae calamita-  
tibus afficiatur, eamq; praesentibus malis liberare  
cupiat, ita speramus te quoque diuinitus ad pa-  
cis consilia duci, et precamur ut Christus ea guber-  
net ac fortunet.

Bene Vale.

ORA



# ORATIO

ISOCRATIS AD PHILIP-  
PVM MACEDONEM.

301



EMIRERIS PHI-

Ocasio

lippe quod incipio, quasi de scribendi.

Amphipoli dicturus, nec Philippus

sumpsi exordium proprium bellum gesse

huic orationi quæ nunc tibi recitabitur, de qua, antequam

dicendi initium faceret Amphipoli-

am, pauca præfabor, ut tibi lim. Id cum

bi alijsq; manifestum reddum, me neq; errore alio esset dissuasus

quo neq; delirio impulsus esse ut ad te scriberem, rursus Isocrates,

quanquam fortassis aliqua ex parte etas etiam imitator hanc orati-

pulit. Cum enim ex isto bello Amphipolitano magis onem instituis-

nam tibi et civitati uiderem impendere calamitatem, intellexit

tem, dicendum mihi de hac urbe et regione putavi. pacem ab utrisq;

Porro nihil tale dicere uolui, qualia uel a tuis amicis, uel a nostris

oratoribus dicuntur, sed quam se, Hanc pa-

longissime dissidens ab istorum opinionibus. Illi cificationem in

enim inseruentes affectibus uestris ad suscipiendum bellum uos hortati sunt. Ego autem nihil pro bat et laudat.

nuncians de controuersia, orationem institui,

A a

quam



quam maxime utilem existimabam esse faciendā  
paci. Dixi uos utrinq; frustrari expectatione  
uestra. Tu enim gerendo bello ea occupare cu-  
piebas, quæ nos nostro bono amissuri era-  
mus. Et uicissim urbs nostra bello gerendo tuam  
potenciam augebat. Nam tibi quidem proderat te-  
nere Amphipolim, nobis autem retinere non prode-  
rat. De hac re ita uisus sum uerisimilia dicere,  
ut oratio plus haberat admirationis propter rerum  
ueritatem, quam propter eleganciam sermonis.  
Et existimabant omnes nullum finem bellorum fo-  
re, nisi tu persuasus his rationibus urbis nostræ so-  
cietatem atq; amiciciam pluris faceres, quam uecti-  
galia ex Amphipoli reditura. Et uicissim urbs  
nostra hoc experimento docta, disceret quod non  
conducat tales colonias deducere aut defendere.  
Sed ea loca querenda esse quæ uicinos habent ad ser-  
uitutem assuefactos, non formidabiles aut imperij  
cupidos. Sicut & Lacedæmonij Coloniam Cy-  
renas deduxerunt ad homines imbelles. Ad hæc  
ostendebam te ad pacem faciendam & hac ratione  
moueri debere, quod hanc regionem titulo tenuis  
tantum nobis traderes. Cæterum re ipsa tu re-  
tineres, & insuper beneuolenciam nostram acqui-  
reres. Nam tot obsides nostræ amiciciæ acceptu-

rus



rus esses, quot indicionem tuam colonos mitte  
remus. At ciues nostros ostendebam hac  
ratione moueri debere, ne cuperent retinere  
Amphipolin, quod si retincremus, cogeremur  
propter nostros colonos magis te colere, quam  
ullos unquam coluimus propter agricolas in  
Cheroneso. Cum autem res urbis nostræ  
sic se haberent, ut ego dixi, isti qui audierunt  
orationem, sperabant ea edita, uos mutato con  
silio bellum composituros, et de pace atq; uti  
litate communi deliberaturos esse. Hæc siue  
stulte, siue imprudentur cogitata sunt, culpa  
illorum erit, qui ad editionem hortabantur.  
Ego dum in hac oratione apparanda uersor,  
priusquam eam absolui, accepi uos pacem fecisse,  
quod sapienter a uobis factum est. Nam  
quoquo modo componirem magis proderat,  
quam in his malis uersari diutius, quæ bellum  
afferebat. Porro maxima laticia affecit  
me decretum de pace facta, et arbitratus non  
solum in rem nostram, sed etiam tuam atq;  
aliorum græcorum omnium fore, non potui  
ab incepto desistere, aut deponere curam adhor  
tandi uos ad concordiam. Considerabamq; quomo  
do inchoatam pacem retinere possemus, ne urbs

nostra



nostra pertesa breui ocium rursus alia bella concupisceret. Hæc singula mecum reputans, inueni

Facta pax nulla alia ratione ipsam quiescere posse, nisi potens inquit, se ideo tissimæ urbes omissis priuatis discordijs, bellum in hanc oracionem Asiam transferant, & imperium quod nunc in ipse instituisse, ut sos grecos exercent, illud sibi in barbaros parare ostenderet & reuelint. quemadmodum & in panegyrica oratio quæ ratione si ne consului. Cum autem considerarem hæc, & mul conserua arbitrarer nullum aliud inueniri posse argumentum græciæ tantum, neq; præstancius, neq; cuius utilitas lacius quillitas posset pateret, ego denuo de eadem re scribere adisset, & libera ductus sum, non ignorans ingenij mei imbecillitate metu per cillitatem, sed sciebam, quod hæc oratio non con-

ficiæ tyranni ueniret etati meæ, sed uirum requireret florentem etate, & ingenio longe alijs præstantem. Ad hæc intelligebam quam difficile esset duas orationes eodem argumento edere, maxime cum prior ita scripta sit, ut æmuli nostri imitentur eam tanquam exemplum ac magis admirentur, quam ulli istorum qui nostri studiosissimi sunt. Ego tamen facile despexi omnes difficultates, & in ultima senectæ adeo ambiciosus fui, ut ad te scribere instituerem. quo ostenderem & tuis oratoribus, & nostris, quod ad populum habere conciones perinde sit, ac si quis ad neminem habeat orationem. quodq; tales conciones perinde sint inutiles, ac sophista



sophistarum libri de rebus pub. scripti. Sed si qui  
prodesse uolunt, existimantes se utile consilium  
reperisse, permittant sane alijs, ut ad populum  
concionentur. Verum ipsi querant certum aliquem  
lectorem principem uirum, sapientia, uirtute, &  
opibus præstantem. Hoc cum cogitarem decre-  
ui ad te scribere, non ad aucupandam gratiam,  
quanquam magnopere optarim tibi orationem me-  
am non ingrati fore. Sed non fuit hæc consilij  
mei ratio. At uidebam alios præclaros uiros, qui  
tenent res pub. nullam potestatem habere aliud faci-  
endi, quam quod ipsis commissum est. nec esse  
pares his rebus de quibus orationem institui. Tibi  
uero soli magnam potenciam a fortuna datam es-  
se, qui & mittere legatos ad quoscumq; uoles  
possis, & accipere a quibusuis. Tum consulere id  
quod utile fore existimaueris. Præterea tantum  
imperium & opes possidere, ut nemo græcorum  
sit tibi conferendus. Quæ res in utramq; partem  
magnam uim habent, & ad persuadendos & ad  
cogendos homines. Et utroq; opus habent hæc,  
quæ dicturus sum. Consulam enim tibi, ut con-  
stituta inter græcos concordia expeditionem aduer-  
sus barbaros una cum ipsis suscipias. Quod si & summa to-  
græcos ad hoc bellum suscipiendum persuaseris, cuius orationis.  
erit hoc & tibi priuatim honorificum, & publicæ  
utile

Quare  
proprie ad  
Philippū scri-  
bat.

Proposicio  
& summa to-



utile. Hæc igitur totius oracionis est summa.  
Nolim autem te ignorare, quod quidam me conue-  
Occupatio, nerunt, quibus improbari meum consilium ani-  
ne uideatur maducti, qua de re oportere fieri te ærciorem  
oblitus decori arbitror. Cum enim indicassem eis, quod oracio =  
quod tanto re- nem ad te missurus essem, non in laudes, neq; præco-  
gi consilium nia rerum a te gestarum, compositam. Hæc enim  
promittat. alij celebrabunt, sed qua te hortarer ad res longe  
amplissimas, quarum & honestas & utilitas la-  
tius pateret, quam quas hæctenus concupiuiſti,  
adeo ueriti sunt ne delyrarem uicio ætatis, ut  
obiurgare me ausi sint, cum prius me increpare  
nunquam soliti essent. Dicebant me inepte factu-  
rum esse, qui Philippo de rebus suis deliberandis  
orationem missurus essem. qui etiamsi prius se opus  
habere consilio alicuius putarit, tamen gestis rebus  
tantis non minus ualere consilio quam alij uideatur  
Deinde et Macedonum habet prudentissimos apud  
se, quos uerisimile est, etiam si aliarum rerum  
rudes sint, tamen id quod illi magis conducatur, rec-  
tius intelligere quam te. Præterea uero uersantur  
apud eum multi græci, non ignobiles uiri, neq;  
stulti, quorum ille consilio usus, non diminuit reg-  
num, sed res gessit tantas quantas optare uix au-  
sus esset. Quid enim non successit ei? Nonne  
Thessalos qui Macedoniam prius infestabant, ea  
deuinxit



deuinxit sibi familiaritate, ut quilibet illorum ma-  
iorem ei fidem quam proprijs ciuibus habeat.  
Vrbes autem finitimas, partim beneficijs ad suam  
societatem pertraxit, partim funditus euerit. Mag-  
netas et Perrhebaeos et Paonas deuicit, et omnes  
subegit. Tocius uero multitudinis Illyriorum,  
praeter hos qui Adriam accolunt, uictor ac domi-  
nus factus est, deinde in tota Thracia, quos uoluit  
praefectos constituit. Talem profecto uirum,  
quiq; tanta gessit, non putas iudicaturum insigni  
hunc stulticia praeditum esse, qui libellum miserit,  
et existimaturum, istum neq; decori rationem ha-  
bere, neq; consilia sua intelligere. Haec post-  
quam audiui, quam perturbatus inicio fuerim, et  
quomodo me colligens rursus, ad singula quae ob-  
ijciebantur responderim, praeterrittam, ne uide-  
ar animi causa illos exagitare. Cum autem  
satis refutassem illos meo iudicio, tandem pollice-  
bar me orationem solis ciuibus exhibiturum,  
et nihil aliud de hac quam quod ipsis uideretur  
facturum esse. His auditis abierunt nescio  
quomodo affecti. Post paucos uero dies, absoluta  
oratione atq; exhibita illis, ita priorem senten-  
tiam mutauerunt, ut suae meritis eos pude-  
ret. Poenitebat autem eos omnium quae dixerant,

nullaq;



nulliq; unquam in re magis se errasse fateban-  
tur. Ac magis impellebant ad mittendam hanc ti-  
bi oracionem. Dicebant enim quod sperarent, non  
solum & ciuitatem mihi pro oracione gratiam  
habituram esse, sed etiam uniuersos grecos  
Hanc ob causam ista tibi commemorauit, ut si quid  
inicio orationis esse uideatur tibi, aut non probabi-  
le, aut impossibile, aut quod te facere non deceat, ne  
molestie ferens omittas quae sequuntur, nec idem  
accidat tibi quod familiaribus meis, sed aequo ani-  
mo perseueres dum finem totius oracionis audi-  
as. Ego enim me de his rebus dicturum esse confi-  
do, quae deant & expediunt tibi. Atqui non late-  
bat me, minorem uim in scriptis esse, quam in ui-  
ua uoce. propterea quod omnes existimant in scrip-  
tis & necessarijs negocijs consilium uiua uoce da-  
ri. Scriptas uero oraciones tantum ad ostentatio-  
nem & questum compositas esse. Et recte scien-  
tunt. Ociosa enim uidetur oratio destituta autorita-  
te dicentis, destituta uoce, & uarietate actionis,  
quam non adiuuat etiam inter agendum occasio &  
solicitude & motus animorum in re presenti.  
deinde quam legit aliquis absq; cura nullum  
sensum addens uerbis sed tanquam numerans,  
merito frigere iudicanda est. Et ob hanc causam ue-  
reor ne praesens oracio minus ponderis habitura  
sit.

Exaggerat  
difficultatē in  
stituti, quod  
scripto potius  
cogatur quam  
uiua uoce con-  
siliū dare.



fit. Neq; enim dictionem ipsam numeris & figu-  
ris ornauiamus, quibus utebar iuuenis si quid edi-  
di, per quæ suauior simul probabiliorq; redditur  
oratio, quorum nihil amplius propter ætatem pos-  
sum. Sed sufficit mihi tantum si ipsas res po-  
tero simpliciter commemorare. Verum & tibi  
tali uiro conuenire puto, ut magis rem, quam ge-  
nus orationis consideres. Et sic optime iudica-  
bis an aliquid dicam quod non sit utile, si remoue-  
ris sophistas, neq; cauillationes eorum audieris,  
Singula autem animo considerans expende, neq;  
id obiter aut segniter facito, sed cum ratione ac  
sapientia, quæ & præditum te esse dicunt. His  
enim adhibitis magis, quam opinione multorum,  
rectius de ipsis iudicaueris. Hec igitur sunt,  
quæ ducebam tibi præfanda esse. Iam uero ip-  
sam rem aggrediemur.

#### Principalis

Sic enim statuo te neq; tua negligere debe-  
re, & in pacanda græcia hoc efficere, ut in con-  
cordiam reducas urbem Argiuorum, & Lacedæ-  
moniorum & Thebanorum, & nostram. Si enim  
has reconciliare inter se poteris, nullo opinor ne-  
gocio & alias concordēs feceris. Nam omnes  
adherent istis, & confugiunt si quando metu-  
unt, ad quancumq; earum possunt, & auxilia

propositio con-  
tinet duas par-  
tes, uidelicet,  
ut in græcia  
constituat con-  
cordiam. Item  
ut Persis bel-  
lum inferat.

B

inde

Hic



Hic igitur par inde petunt. Quod si quattuor urbibus  
tem priorem solum persuaseris, ut concordēs fiant, & re-  
proponit, ut ei liquas multis malis liberabis. Scias autem quod  
uitates inter nullam oportet te contemnere, si merita earum  
se reconciliet. erga maiores tuos considerabis. Inue-  
Et argumenta nescis enim in unaquaque plurimam erga uos be-  
tur primum a neuolentiam magnaue officia extare. Ar-  
meritis urbi-  
um. gos est tibi patria cuius non minorem, quam  
tuorum parentum & curam gerere decet.  
Thebani autorem generis uestri, oblationib-  
ac uictimis plusquam deos alios honorant.  
Lacedemonij uero semper ijs, qui habent  
originem ab illo, & regnum & principa-  
tum tradiderunt. Et si quid historijs ue-  
terum credimus, aiunt urbem nostram causam  
Herculi extitisse immortalitatis, quemad-  
modum ex alijs facile cognosces. Non  
est enim mihi nunc referendi spaciū. Præte-  
rea huius autoritate defensos fuisse liberos eius.  
Sola enim maxima pericula aduersus potentiam  
Euristhei sustinens, prohibuit cum inferre iniu-  
riam, & liberos Herculis a perpetuo in quo  
erant metu liberauit. Pro quib. æquum  
erat non solum illos qui tunc conseruati fuerunt.  
sed etiam qui nunc supersunt gratiam nobis ha-  
bere. Nam beneficio nostro, & uiuunt,  
& præ-



et presentib. bonis fruuntur. Nisi enim  
illi seruati fuissent, ipsi ne nati quidem essent.  
Cum igitur eiusmodi omnes urbes sint,  
nullas te quidem simultates cum ulla exercere  
oportebat. Sed hæc est hominum natura,  
ut sæpius peccemus omnes, quam recte faci-  
mus. Quare præterita errata condone-  
mus communi hominum condicioni. In  
posterum autem prospiciamus ne quid tale  
accidat. Estq; tibi considerandum, ut eius-  
modi beneficio illas afficias, quod et te et ip-  
sarum meritis dignum uideatur. Et oportu-  
nitatem nactus es. Nam propter spacium lon-  
gi temporis putabunt non reddi sibi gratiam,  
sed se nunc primum accipere beneficium. Vis-  
detur autem præclarum esse, de potentissimis ur-  
bibus benemereri. Nec uero minus te ipsum  
quam illas adiuueris. Præterea si uoluntates ali-  
cuius ciuitatis offendisti, iam redibit tecum in-  
gratiam. Priores enim offensiones præsentib. bene-  
ficijs obruentur. Iam et illud manifestum est, quod  
omnes homines diu retinent memoriam istorum  
beneficiorum, quib. in calamitatib. affecti sunt. Vi-  
des autem quam misere sint bello adfectæ, nec dissi-  
miles sint priuatis inter se dimicantibus. Et enim  
illos incensos ira nemo placare potest. Postquam

Ab utili.

B ij

autem



autem se mutuo leserunt, nemine dirimente certamen, ultro desinunt, quod & istas, nisi tu anteuertaris, facturas arbitror. Fortassis autem dicat aliquis, me suaderet tibi, ut res impossibiles aggrediaris. Neq; enim Argiuos unquam Laedæmonijs amicos esse potuisse, neq; Laedæmonios Thebanis. Neq; posse in concordiam redigi tales, qui semper de imperio contenderunt. Ego uero si urbs nostra, aut urbs Lacedæmoniorum dominaretur, non iuberem hoc tentare. Facile enim iudicare alteram alteri impedimento fore. Nunc

Ab urbium calamitatib. autem de illis non idem sentio. Quia enim similib. calamitatib. omnes adflictæ sunt, magis optabunt nunc pacem, quam olim cupiebant imperium. Ac fateor neminem alium posse reconcilia-

A Philippi & re has urbes. Tibi autem nihil eiusmodi difficile. potentia & Video enim te multa perfecisse supra spem atq; opinionem aliorum. Itaq; uni tibi non difficile erit, has res efficere. Oportet enim excellentes uiros non tentare hæc, quæ aliquis e uulgo possit efficere, sed ea quæ nemo alius aggrediatur, nisi tibi fuerit & prudentia, & rerum gestarum gloria conferendus. Miror autem esse qui arbitrentur impossibile esse ut horum aliquid perficias, si ignorant ipsi, nec audierunt ab alijs quod sæpe accidit, ut qui inter se gesserunt atrocissima bella, postea



Ita reconciliati maximorum bonorum autores  
sibi mutuo extiterint. Quod maius bel-  
lum gessimus quam cum Xerxe. At huius amici-  
ciam constat nos & Lacedæmonios postea ma-  
gis coluisse, quam illorum, qui utrisq; auxilio ad  
parandum imperium fuerunt. Ac quorsum  
pertinet uetera & quæ cum barbaris gesta sunt  
commemorare. Quod si quis aliorum calami-  
tates perspiciat et consideret, nullæ uidebuntur  
maiores ijs quas a Thebanis & Lacedæmonijs ac-  
cepimus. Tamen cum Lacedæmonij bellum  
Thebanis intulissent ac Bœotiam deuastaturi ex-  
cindere urbes conarentur, nihilo minus nos præsi-  
dio nostro illorum impetum fregimus. Ac rursus  
mutata fortuna cum Thebani & Peloponenses om-  
nes spartam funditus euersuri essent, nos soli ex  
Græcis eos, fœdere cū ipsis facto defendimus. Stul-  
tissimus igitur fuerit, si quis non existimet, eun-  
dem nunc animum ipsas habituras, cum uideat  
tantas mutationes esse factas, & urbes neq; odia  
neq; fœdera, aut aliud quicquam utilitati ante-  
ponere, præsertim si tu fueris autor reconcilia-  
tionis & hanc suadeat utilitas, & præsentia ma-  
la cogant amplecti. Hæc cum omnia concur-  
rant, facile pacem constitui posse arbitror.

Commodissime autem te intellecturum pu-

B iij

to



Distributio to, utrum urbes inter se pacem an bellum malint,  
quare Lacedæ si præcipuas causas pacis faciendæ colligemus, eti  
monij pacem amisi non omnes exacte recensēbimus. Ac primū qui  
optare uide= dem consideremus Lacedæmoniorum statum. Hi  
antur.

enim cum Græcorum imperium obtinerent, breui  
tempore summam mutationem terra mariq; perpes  
si sunt, postquam pugna in Leuctris commissā uicti  
imperium Græciæ amiserunt. Huiusmodi autem  
uiros perdiderunt ex suis, qui mori quam uiuere  
maluerunt, superati ab his quib. ipsi prius domina=  
bantur. Ad hæc uniuersos Peloponenses, qui prius  
ipsos sequuti aduersus alios erant, eos cum Theba  
nis in suam dicionē irruptionem facere uiderunt.  
Cū quib. non foris de possessionibus, sed in media  
urbe ad ipsam curiam pro uita liberorum et coniu  
gum pugnare coacti sunt, in quo prælio si non uicis  
sent, mox uniuersi funditus periissent. Postq̄ autem  
uicerunt, tamen nondū his malis defuncti fuerunt,  
sed foris cū uicinis perpetuū bellum gerere cogun  
tur, et propter perfidiam ab omnib. Peloponensib.  
deseruntur, suntq; in odio apud oēs Græcos, die ac  
nocte a seruis uexantur, nullū tempus intermitten  
tes quo non aut sua, aut sociorū causa militent. Ad  
quæ mala hoc accedit etiā quod est maximū. Sēper  
n. metuunt ne Thebani reconciliati Phocensibus,  
reuerſi maiorib. quam prius unquam calamitatib.  
ipsos afficiāt. Atqui cū ita se res habeat, quis nō ex  
istinet



istimet Lacedæmonios libenter uisuros esse præstan-  
 tem uirū, qui efficiat sua autoritate, ut concordia  
 coeat, et præsentia bella dirimantur. Argiuos igitur  
 in eodem uideas discrimine uersari, et prope- Quare Argi-  
uis pacis opus  
sit.  
 modū deterius habere. Nam undiq; bellū cum fini-  
 timis gerunt, quemadmodum et Lacedæmonij. Hoc  
 aut differunt, quod illi quidē aduersus inferiores sc,  
 hij uero contra potentiores dimicant, id quod oēs  
 miserrimū esse intelligunt. Suntq; adeo infortunati,  
 ut parū absit, quin singulis annis deuastari regio-  
 nem uideant. Sed illud magis etiam miserū est. Cū  
 desunt externa bella, domi præstantissimos ac ditissi-  
 mos quosq; ciues trucidant, ex quo facinore maio-  
 rem animo uoluptatem capiunt, quam ulli alij, si  
 quando hostes suos interfecerint. Neq; uero alia  
 causa est istarū domesticarū discordiarū, quam illud  
 perpetuū bellū, quod si composueris, non solum libe-  
 raueris eos ab externis malis, sed etā efficies, ut in-  
 ter ipsos domestica concordia constituatur. Sed ne Quare Theba-  
 q; ignoras quo in statu sint res Thebanorū, qui cū ni pacem opta-  
 præclara uictoria potiti, et maximā ex ea glori- re uideantur.  
 am consequuti essent, quia nesciebāt secunda fortu-  
 na recte uti, nihil a uictis et calamitosus differūt,  
 priusq; n. defūcti essent bello cū Lacedæmonijs, cū-  
 q; nondū eos domitos in potestate haberēt, incipie-  
 bāt oēs cōtēnere, urbes uexabāt in Pelopōneso, et  
 Thessaliā inuadebāt redacturi eā in seruitutē. Me-  
 B iiij                      garenfib. quoq;



quoq; uicinis suis minabantur ac parte aliqua dici-  
onis urbem nostram priuabant. Deuastabant  
Euboeam, Bizancium triremes mittebant, tan-  
quam imperium terra mariq; sperantes. Tandem  
bello aduersus Phocenses suscepto, hoc sibi plane  
persuasum habebant, quod breui omnia finitima lo-  
ca superatis urbibus occupaturi, & pecunias in Del-  
phis pro priuatis sumptibus, accepturi essent. Sed  
nihil horum succeffit. Interim enim dum urbes  
Phocensium oppugnant, proprias urbes amit-  
tunt, dumq; hostium dicionem incurstant, plus  
damni acceperunt priusquam redirent, quam in-  
tulerunt. Nam in Phocide quidem perpau-  
cos conducticios milites, quibus mori quam uiue-  
re magis expedit, occiderunt. Discedentes autem  
praestantissimos & qui uitam profundere pro pa-  
tria audebant, interfecerunt. Actunc tem-  
poris eorum res in eo statuerant, ut cum se uni-  
uersos Gracos in potestatem suam redacturos es-  
se sperassent nunc in uno te omnem salutis sue  
spem positam habent. Proinde arbitror illos sta-  
tim facturos esse, quicquid iusseris. Reli-  
quum esset ut quoq; de urbe nostra dicerem, nisi  
ea bene sibi prospiciens, prima pacem fecisset,  
quam tibi nunc adiumento fore, in ijs quae con-  
stitueris, nullum mihi dubium est, maxime si ani-  
maduerteris

Quod Atheni-  
enses pacem  
optauerint.



*maduerterit omnia tua consilia spectare ad bel-* *Conclusio loci*  
*lum aduersus barbaros mouendum. Quapro-* *a possibili.*  
*pter non impossibile esse, ut has urbes inter se con-*  
*iungas ex his quæ dicta sunt, manifestum tibi es-*  
*se puto. Et multis præterea argumentis de-*  
*clarabo, quod nullo negotio hæc res confici queat.*  
*Nam si constat quosdam ex maiorib. nostris, minus*  
*his, de quibus nos deliberauimus, & honesta &* *Amplificatio*  
*pia aggressos esse, multa tamen maiora ac diffi-* *ex minore.*  
*ciliora perfecisse, quare nonnulli affirmant te fa-* *Ab exemplo*  
*ciliora perficere non posse, cum illi difficiliora* *Alcibiadis ciu-*  
*perfecerint? Primum autem considera Alcibia-* *Atheniensis.*  
*den, qui cum a nobis esset expulsus, aliosq; simili*  
*ante se iniuria affectos uideret propter magni-*  
*tudinem urbis deterritos quicuisse, non eodem*  
*quo illi animo exilium tulit, sed ui conandum esse*  
*aliquid existimans, aduersus eam bellum suscepit,*  
*quæ igitur consequuta sint, nihil attinet singula re-*  
*censere. Et fortassis in præsentia intempestiuum*  
*foret. Hic uero non modo urbem, sed Lacæ-*  
*demonios etiam cum cæteris Græcis in tantum*  
*discrimen adduxit, ut eius belli uulnera nondum*  
*sanata sint. Lacædæmonij autem, qui per*  
*id tempus florebant, per Alcibiaden in præsentia*  
*infortunia inciderunt. Cum enim ab ipso*  
*persuasi essent, ut imperium mari affectarent,*

B p

terra



A Cononis ci-  
uis Attici ex-  
emplo.

terra principatum amiserunt. Atq; hoc uere dici  
potest, Lacedæmonijs hoc fuisse seminarium horū  
malorum in quibus nunc sunt, cum principatum ma-  
ris adepti fuerunt. Postquam igitur tantas ille res  
effecit, redijt in patriam maxima cum gloria, et si-  
a nonnullis reprehenditur. Conon non multis an-  
nis post similia fecit istorū, qui cū nauali prælio cir-  
ca Hellespontum, non sua culpa, sed collegarum, si-  
peratus esset, noluit domum redire. Traijciens au-  
tem in Cyprum, priuatam aliquantisper uitam  
egit, dum Agesilaum ingentibus copijs in Asiam  
transiisse, ac regionem occupare accepisset, ubi  
magnitudinem animi tantam ostendit, ut cum nula-  
lam aliam occasionem, præter suum corpus atq;  
consilium, haberet, in spem uenerit se Lacedæmo-  
nios qui tunc alijs Græcis terra mariq; impera-  
bant, debellare posse. Ac missis legatis ad præfe-  
ctos regis persarum, se facturum hæc confirma-  
uit. Quid opus est uerbis? Comparato nauali  
exercitu cum circa Gnidum uictoriam adeptus  
esset, principatum ademit Lacedæmonijs, & cæte-  
ris Græcis libertatem reddidit. Neq; uero muros  
solum patriæ refecit. Sed urbi etiam restituit pri-  
stinam dignitatem quam antea amiserat. At quis  
unquam sperasset fore, ut ab homine priuato, &  
quem fortuna fregerat, status totius Græciæ uerte-

retur



retur, Et uir talis, alijs urbib. imperium ademptū Ab exemplo  
alijs redderet. Dionysius autem (multis Dionysij supe  
enim exemplis tibi persuadebo rem facilem esse prioris regis  
ad quam te hortor) cum genere & gloria & a Syracusani.  
lijs rebus. ceteris Syracusanis esset inferior, tamē  
ualde & furenter concupisceret monarchiam, omnia  
tentauit per quae imperium se consequi posse  
existimabat. Occupauit Syracusas & ciuitates in  
Sicilia quotquot Graeci nominis erant, omnes rede  
git in suam potestatem. Copias autem tantas &  
pedestres & nauticas comparauit, ut haud quis  
quam alius maiorem prius exercitum habuerit.  
Præterea Cyrus, ut mentionem quoq; barbarorum A Cyri exem  
faciamus, cum a matre in uiam expositus, & a mu plo.  
liere Perside sublatus esset, mutata postea fortuna  
imperium totius Asiae adeptus est. Si uero Alcibiades  
urbe eiectus, Conon profligatus, Dionysius Epilogus ex  
ignobilis, et Cyrus ex tam miserabili uitae initio, ma emplorum.  
ximis rebus gestis adeo proæsserunt, ac tantas  
res perfecerunt. Cur te maiorum imaginib. clarū  
ac Macedoniae regem tam potentem, facile effe  
cturum hæc quæ dicta sunt sperare non oporteat?  
Considera autem quam honeste sis factururus, si tales Ab honesto.  
res imprimis gerendas susceperis, quæ si feliciter  
proædent, parem tibi gloriam illis compara  
ueris, qui fama & laude amplissimi extiterunt.

S in



sin expectatione frustratus fueris, magnam ta-  
men gratiā apud grecos inibis, quorū retinere be-  
neuolentiam tibi longe honestius est, quam mul-  
tas illorum urbes ui occupare. Nam ea res inui-  
diam atq; odium & maledicta parit. Illud uero  
quod nos tibi consulimus, nihil istorum habet. Ac si  
quid tibi a dijs optandum foret, quo laudatam ui-  
tam gloriose degeres, me consiliario nihil perin-  
de quam hoc tibi expetendum esset, Non so-  
lum enim alijs admirationi eris, sed tu te ipsum bea-  
tum predicabis. Nam quæ maior foelicitas  
tibi contingat, quam cum legati præstantes uiri ex  
potentiſſimis urbib. ad tuum principatum ueni-  
ent de communi tecum salute deliberaturi, &  
te plurimi facient, propterea quod nemo perinde  
ut tu communis status curam suscipiat. Senties au-  
tem te autore totius gratiæ consensum fore, camq;  
quidquid præscripseris diligenter facturam esse.  
Nam alij audient prædicari res easdem quas te-  
cum gerunt. Alij optabunt ne in perficien-  
dis reb. spe tua frustreris. Alij solliciti erunt ne  
quid accadat tibi priusquam finem reb. imponas.  
Quæ cum ita accident, cur non merito glorieris?  
cur non magno cum gaudio uitam agas? Cum scias  
te tantarum rerum autorem esse factum. Quis  
autem eorum est qui uel mediocriter iudicare pos-  
sunt



sunt, qui non maxime ad has res suscipiendas te hortetur, quæ tibi geminum fructum afferre possunt, uidelicet uoluptates maximas, atq; honores sempiternos.

Desinerem modo nisi prætermissem quamdam admonitionem, quam non obliuione, sed uequa teſte ſigrecundia impeditus, nondum expoſui, atq; etiam niſicat philippum uereor dicere. Verum proceſſe tibi exiſtimo poſſe, quid de ipſo ut audias & me libere deat, ut ſoleo, loqui. An iſo ſuſpiciuntur maduerto quosdam inuidos te calumniari, qui urgræci & adbes ad ſeditionem concitant, & in communi pacæ monet ut purbellum optabilius ſibi eſſe iudicant, ij reb alijs neget re ipſa ſuglectis de potentia tua loquuntur, quod non proſpitiones illas. Græcia, ſed contra ipſam augeatur. Et iam olim nobis inſidieris, pollicitus uerbis te Meſſenijs auxiliaturum, cum re hoc agas, ut ſi Phocænſium negotia confeæris, Peloponeſum in tuam poteſtatem redigas, Habes Thebanos & Theſſalos & omnes Amphictyones qui te ſequantur. Argiui uero & Meſſenij & Megapolitæ, aliq; multi te ad delendos Lacedæmonios adiuuare parati ſunt. Proinde ſi hæc confeæris, minimo negotio dicunt te cæteros Græcos oppreſſurum eſſe. Has fabulas ſpargunt in uulguſ tanq̃ exacte conſilia tua norint. Et quia dicendo peruertunt omnia,  
multis



multis persuadent, ac præsertim istis qui eadem mala quæ oratores, expetunt, Et alijs plurimis, qui ipsi non sapiunt, nec reipublicæ curam gerunt, sed credunt his qui simulant se pro ipsis sollicitos esse. Postremo persuadent nonnullis suspiciosi, qui & apparatu tuo mouentur, & arbitrantur rem dignam esse, quam aliquis concupiscat. Qui tantum abest, ut recte iudicent, ut non intelligant eadem argumenta in alijs non idem ualere. De rege Asiæ recte diuinarent, quod

**Diluit suspitionem ab honesto figurate dehortans Philippum.**

Græcis insidiaretur, si quid appareret. Nam hæc res esset ei gloriosa. Si quis autem de aliquo qui ortus est ab Hercule, qui uniuersæ Græciæ seruator fuit, hoc suspicietur, maxima eum contumelia affecerit. Quis enim non indignetur, se illis insidiari uideatur, pro quibus maiores eius nulla pericula adire recusauerunt, ac beneuolentiam quam reliquerunt suis posteris, non retinere conetur, sed his neglectis, res turpes & ignominiosas appetat. Quorum te meminisse oportet, nec despicere talem famam tibi undiq; exorientem, qua te inimici tui deformare conantur. Amicorum autem nemo est qui te excusare non audeat. Atqui in his diuersis sententijs potissimum ueritatem, & quid tibi faciendum sit, perspicere poteris.

Sed  
fortas



fortassis indignum putas, hæc conuicia cura-  
re, præsertim cum nullius tibi criminis consci-  
us sis.

Verum non est aspernanda pu-  
blica hominum beneuolentia, nec leuiter curan-  
dam, ut de te bene sentiant omnes.

Sed ex-  
istimabis tunc honestam & magnam gloriam  
te consequutum esse, quæ & te & maiorum  
tuorum gestis digna sit, si dederis operam ut  
uniuersi græci sic erga te affecti sint, sicut  
Lacedæmonij erga suos reges, & socij tui erga  
te.

Nec difficile dictu est, quo modo hæc  
consequi possis, uidelicet si fueris communis om-  
nibus ciuitatibus nec significes te alijs familiarem  
esse, alias odisse.

Deinde si talia geras ex  
quib. græci intelligant, se tibi fidem tuto habere  
posse, barbaris uero formidabilis existas. Ac ne  
mireris, quæ ad Dyonisium Tyrannum scripsi,  
si liberius tecum egi, cum neque dux sim belli,  
neque orator.

Denique prorsus non sim  
in repub.

Ego enim minime omnium a na-  
tura instructus fui ad capeffendam rempubli-  
cam,

Nam neque uocem ad dicendum ac-  
comodatam neque animum habui, quo res-  
sisterem multitudini, eosque læssere ac  
irritare auderem, qui in foro uersantur.

Quod



Quod autem ad sapientiam & rectam institutio-  
nem attinet, tametsi incivilius hoc aliquis dictum  
putet. contenderim ac mihi ipsi locum, haud in-  
ter postremos, sed qui praestantiores sunt alijs,  
tribuerim, ideoq; hoc modo quo solitus sum, quoq;  
possum, ciuitati alijsq; graecis ac uiris praestantib.  
consulere studeo.

Haftenus & de me dixi, & exposui quid  
Transitio. tibi agendum esse erga graecos existimem. De  
Secunda pars expeditione autem in Asiam uideor mihi consili-  
orationis in um tunc daturus ciuitatib. quas tibi reconcilian-  
qua est adhor- das esse dixi, quod aduersus barbaros oporteat bel-  
tatio ad susci- lum geri, quando eas esse concordēs uidebimus.  
piendum bel- Sed nunc ad te scribam longe affectus aliter atq;  
lum contra olim eram, cum idem argumentum ad te scribebā.  
Persas. Tunc enim iubebam auditores, ut me audacter irri-  
derent & contemnerent, si quid infra dignitatem  
rerum, & existimationis meae & temporis, quod  
in studio eloquencie collocaueram, dixissem. At  
nunc uercore ne his omnibus dictis multo frigidi-  
us differam. Etenim ceteris qui philoso-  
phie dant operam, oratio Panegyrica praeter al-  
lia magnam ubertatem ad eloquenciam attulit. Me  
uero reddidit infantem, quod nec eadem quae in  
Panegyrico scripta continebantur, sum dicturus,  
nec



nec noua inuenire possum. Nec desistendum ta-  
men, sed de quib. institui, dicendum est, & colligenda ea quæ conducere uidentur ad te persuadendum. Et ut maxime non satisfaciam magnitudi-  
ni rei, nec Panegyricum æquare nunc possum, subministrabo tamen idonea argumenta his qui hanc causam absoluere poterunt. Cum igitur sine domesticâ concordia aduersus Asiam bellum suscipi nequeat, commodè me exordium sumpsisse puto, ex causa quæ maxime ad rem faciebat. Nec Repetito pri-  
minem enim quicquam tentare oportet, quam al- ma partis cū  
terutrum græcos esse facturos cognoucrit, aut amplificatione  
una militaturos, aut certe non aduersaturos commemorato  
esse. Quæ Agesilaus, qui Lacedæmoniorum prou- insigni exem-  
dentissimus iudicatus est neglexit, non per impru- plo.  
dentiam, sed per ambitionem. Duas enim cupi-  
ditates habebat, utramq; quidem honestam, sed  
que non consentiebant inter se, nec poterant simul  
existere. Nam & regi bellum inferre & so-  
cios Lacedæmoniorum reducere in ciuitates suas  
& Lacedæmonios rerum omnium dominos efficiere  
conabatur. Dum itaq; tantum Lacedæmoniorum po-  
tentiam augere studet, græci in magnas discordi-  
as inciderunt. Quare neq; domi otium habebat,  
neq; barbaris inferre bellum poterat. Ex  
illis erratis istius temporis facile nunc iudicari po-  
C test



test, non inferendum esse bellum exteris, prius-  
quam concordia inter grecos constituta sit, idq;  
tibi consulam, & arbitror neminem, qui modo  
sanus sit, hoc consilium reprehendere posse. Ex-

Incipit arguere istimo autem alios, si qui te ad bellum Persicum  
mentari & cohortantur, his uti argumentis, quod omnes  
hortari ad bel suscepto hoc bello ex obscuris clari facti sint, ex  
lum persis in- tenuib diuites, ac multarum urbium atq; regio-  
ferendum & num domini. Ego autem alijs utar argumentis,  
primū a facili uidelicet commemoratione istorum qui uidentur a-  
ducit argumē liqua clade affecti. Commemorabo autem Cyri-  
ta.

Ab exemplis nes tam facile fuisse regis exercitum, ut si uiri  
argumentatur cum foeminis dimicassent. Sed cum potiti iam ui-  
& primum ex storia uiderentur, Cyri temeritate cladem accē-  
minori.

pisse. Constat enim hunc successu elatum, dum  
longe ante alios ad persequendos hostes in fugam  
uersos prouolat, circumuentum ab illis fuisse, ac  
interfectum, nondum tamen, & si fortuna muta-  
ta erat, rex uirib. suis confidere audebat, adeo  
ut cum Clearcho & alijs ducib. accersitis in cola-  
loquium uenerit, promittens se magna munera da-  
turum ipsis ac soluto integro stipendio, milites cæ-  
teros dimissurum esse. Quos cum tali spe ac  
data publica fide subduxisset, eos compres-  
hensos contra datam fidem interemit, quod erga  
deos



deos pecare mallet, quam ut cum militibus,  
qui tamen amiserant duem, pugnaret. Quæ  
possit adhortatio efficiatior esse. Appa-  
ret enim hos futuros fuisse victores, nisi pro-  
pter Cyri temeritatem victoria rursus eis erepta  
esset. Tu autem tales casus facile cauere  
poteris, & ubi semel uicerit exercitus tuus  
multo acrius instare, & renouare bellum.  
Quorum utrumque cum tu efficere queas,  
maxime oportet, te in hac expeditione su-  
scipienda confidere. Nemo uero exstimet  
me uelle dissimulare, quod horum aliqua eo-  
dem modoprius dixi. Si enim eadem argumen-  
ta consulto repeterem ut fierent nociora, præ-  
clare dicta essent. Quod si declamationem  
scriberem, huiusmodi reprehensionem cauere  
studuissem. Desipere autem uiderer, dum  
tibi consilij mei sententiam expono, si maiorem  
haberem curam dictionis quam rerum. Præ-  
terea cum uideam alios meis uti, cur ipse solus,  
ab ijs quæ prius dicta sunt, abstineam. Pro-  
inde cum res postulat, & decori ratio finit, ex  
meis aliquid mutuari soleo, ab alijs nihil sumo.  
Idem nunc quoq; facio. Porro differendum  
mibi uidetur, qualis esse tuus apparatus de-  
beat, & qualis sit istorum. Quod igitur  
C ij potissimum



Amplificatio potissimum est, tu habebis grecos erga te bene-  
cum a possibi- uolos. siquidem consilium meum sequeris. illi  
li, ex circum- autem propter decem praefectos Laedemonios,  
stantijs et col grecos inimicissimos habebant. Existimabant  
lacione, quare enim si rex uinceret futurum ut a praesentibus  
alij ante nil ef malis liberarentur, idq; accidit. Si uero Cyrus  
fecerint, & co & Clearchus uincerent, fore ut in acerbiorum ser-  
tra nunc Phi- uirtutem inciderent, aucta potentia Laedemonio-  
lippo uideatur rum. Et milites facile inuenies, quotquot  
res successura uolueris. Sic enim res graeciae habent se, ut mi-  
esse. nori negotio, multo maiorem ac ualidiorum exer-  
Ab occasione citum ex uagabundis conficere, quam ex ciuib.  
militum condu possis. illis autem temporibus nulli mercenarij  
cendorum. milites erant, itaq; cum uellent in urbib. conducere  
milites, maiore pecunia opus erat ad eam rem  
impetrandam, quam ad stipendium. Quod  
si iam conferre uoluerimus te, qui cum exerci-  
tum sis ducturus, omnia ex arbitrio tuo governa-  
bis, & Clearchum penes quem olim rerum sum-  
ma fuit, inueniemus illum nulli unquam exerci-  
tui antea praefuisse, sed ex calamitate, quae ei  
ad Epirum accidit, primum inclaruisse, cum tu  
multas & maximas res praecclare gesseris, de quib.  
si apud alios dicerem, digna essent quae commemo-  
rarentur. Nunc cum ad te orationem habeam,  
superuacaneum est eas recensere. At dignum  
est



est ut mentionem quoq; faciamus, aduersus qua-  
lem regem te ad suscipiendum bellum incitemus,  
& qualis ille fuerit, cum quo bellum gessit Clear  
chus, ut consilium ac potentiam utriusq; cognos-  
cas. Huius pater urbem nostram, deinde La-  
cedæmonem bello uexauit. Iste autem nullos un-  
quam hostes regionem suam deuastantes, uicit.  
Deinde ille totam Asiam arto fœdere a græcis re-  
cepit. Iste tantum abest, ut græcis imperet, ut  
nec suam dicionem in officio retinere queat. Ita  
q; nemo non dubitauerit, utrum existimare oportet  
at, utrum hic alienet a se uoluntates hominum  
propter molliciem, an uero prouinciæ fastidiant  
& contemnant barbaricam potentiam. Quis au-  
tem non excitetur ad bellum illi inferendum, hoc  
statu regni istius cognito. Aegyptus quidem tunc  
deseruit. Verum metuebant ne quando illa-  
turus bellum, & transitu fluminis, & uniuerso  
apparatu potiretur. Nunc autem iste liberauit  
eos hoc metu, maximo enim exercitu compara-  
to, postquam acie dimicasset cum ipsis, recessit il-  
linc non uictus solum, sed etiam derisus, nec dig-  
nus uisus est, qui aut regnaret, aut exercitui præ-  
esset. Itaq; Cyprus, Phœnix, Cilicia, & alia ui-  
cina loca unde classes contractæ erant, tunc qui-  
dem cum rege erant. Nunc partim desciiuerunt,  
C iij partim

A persona  
regis persæ  
rum.



**A dubia fide  
præfectorum.**

partim bello ac tantis malis affliguntur, ut nulla utilitas ex his gentibus ad ipsum perueniat. Tibi uero, quod si bellum aduersus illum susceperis, non inutiles sint futurae. Et Menidrea opulentissimum omnium in continente, uerissimile est inimiciorem esse regi, quam omnes qui cum eo bellum gerunt, miserrimus enim omnium hominum esset, nisi exitium isti optaret, qui fratrem ipsius iniuria affecit, & secum bellum gessit, omniq; tempore sibi insidias machinatus est, ut corpore ipsius ac fortunis omnib. potiretur. Quæ metuens illi nunc seruire, & magnam uim pecuniæ quotannis transmittare cogitur. Quod si tu in Asiam traiceris, ille tuum aduentum libenter uidebit, existimans te in auxilium sibi uenisse. Et facile efficies ut alij quoq; multi Satrapæ deficiant, si libertatem eis pollicitus fueris, & nomen hoc in Asiam seminaueris, quod cum in græcos incidisset, & nostrum & Lacedæmoniorum imperium dissoluit, Plura adhuc recensere possem, qua ratione bellum gesturus, statim regno potiaris. Sed uereor ne aliqui reprehendant nos, quod cum nunquam restantias gesserimus, tibi qui plurima & maxima bella confeceris, consilium dare audeamus. Itaq; non opus esse puto, ut plura de his dicam. Cæterum



terū non opinor longa adhortatione opus esse. Sa Reiectio quod  
tis est enim recensere exempla maiorum tuorum, non uelut plu-  
uidelicet patris tui, & eius qui primus regnum ra dicere de  
Macedoniæ constituit. Præterea & Hercu= modo apparā  
lis qui generis uestri autor est. Si quem ho= di belli, Rediti  
rum in consilium adhiberes, eadem tibi consule= gatur ad adhor  
rent. Coniecturam enim facio ex reb. gestis co tationem &  
rum. Nam pater tuus studebat urbium istarum argumenta a  
beneuolentiam retinere, quarum amiciciam tibi maiorum ex=  
profuturam esse dixi. Et primus Macedoniæ emplis patris,  
rex, cum regnum concupisceret non est usus eius= Amyntæ &  
modi consilijs qualib. utuntur alij, qui regna inua primi regis  
dere conantur. Alij enim in suis ciuitatib. tumul= Macedonum  
tus excitant, ciues trucidant, & per seditionem Perdicae,  
imperia inuadunt. Iste autem relicta græcia,  
de occupanda Macedonia cogitauit. Scie=  
bat enim græcos non assuefactos esse fer=  
re monarchas. Alias uero gentes non pos=  
se tranquillas esse, nisi monarchas haberent.  
Cum igitur hoc peculiare consilium sequeretur,  
regnum adeptus est longe maius ac potentius  
alijs, Solus enim græcorum cum suæ genti impera  
re nollet, pericula quæ impēdent monarchis effu=  
git. Nā cæteros quicūq; apud græcos tale aliquid  
moliti sunt, inueniemus non solum oppressos,  
sed funditus cum suis familijs deletos esse. Iste

C iij

autem



Ab exemplo  
Herculis.

autem cum in summa felicitate uixisset, posteris  
etiam regnum suum tenendum reliquit. De Her-  
cule igitur, alij in laudanda eius fortitudine, ac re-  
censendis certaminibus, immorantur. De cæteris  
uero animi uirtutibus, quibus præditus fuit, neque poe-  
tarum quenquam, neque oratorum ullam fecisse  
mentionem constat. Ego autem locum esse uideo  
singularem ac perdifficilem, nec humilem aut ina-  
nem. Sed qui multis laudibus, et præclaris reb. ab-  
undet, quique requirat aliquem, qui pro dignitate  
illas explicare possit. Quem si etate florente tra-  
ctandum suscepissem, facile demonstrassem proge-  
nitorem uestrum, non minus prudentia, phi-  
losophia, ac iustitia, quam corporis robore,  
maiores omnes excelluisse. Iam uero  
postquam ad locum ipsum perueni, perspecta  
rerum magnitudine quas continebat, intelligen-  
bam uires meas imbecilliores esse, et hanc oratio-  
nem duplo longiorem fore sentiebam. Ob quas  
quidem causas, omnia alia omittens, unam ex  
ipsis rem elegi, quæ et conueniebat his quæ di-  
cta sunt, et hac causa digna erat, et huic loco  
maxime idonea. Ille enim cum uideret græcia-  
am bellis, sedicionibus, et alijs malis esse plenam,  
his pacatis et ciuitatibus in concordiam reductis, ex-  
emplum in posterum proposuit, quibus cum aut  
aduersus



aduersus quos bellum gerere conueniat atq;  
oporteat. Ausus est enim bellum inferre Troianis,  
qui tunc in Asia potentissimi erant, ac tantum ex-  
celluit uirtute, ut cum alij decennio uix potiti es-  
sent Troia, iste pauciorib. dieb. quam alij annis,  
et quidem cum exiguis copijs rem perfecit.  
Deinde reges in utroq; littore maris mediterræ-  
nei occidit. quos, nisi eorum exercitus uicisset,  
nunquam perdere potuisset. Hæc postquam per-  
fecit extruxit columnas illas quæ uocantur Her-  
culis, trophæum quidem barbarorum, uirtutis  
uero suæ ac periculorum monumentum, totiusq;  
græciæ terminos. Propterea uero hæc tibi re-  
censui, ut intelligas quod hac oratione ad eas res  
te adhorter, ad quas ipsis factis te hortari maio-  
res uidentur. Omnes igitur qui sibi magnas res  
in animo proponunt, et qui imperia concupis-  
cunt, tales existere conari oportet. Tibi uero  
inprimis conuenit. Cum enim non alienis, sed do-  
mesticis exemplis utar, æquum est ut ipsum te  
excites, desq; operam, ut progenitoris similis  
fias. Non autem dico, quod omnes res Hercu-  
lis gestas imitari queas. Nam pleriq; deorum  
id præstare non possent. Sed quantum ad man-  
suetudinem animi pertinet, ut humanitate ac be-  
neuolentia, quam habuit erga græcos, illius uo-  
luntatem

C v

luntatem



LOCUS COMMUNIS  
DE MANSCU-  
TUDINE PRINCI-  
PUM.

luntatem possis adaequare. Sit autem tibi per-  
suasum, quod si his quæ dixi obsequutus fueris, te  
qualencunq; uolueris gloriam consequuturum  
esse. Facilius enim tibi est ex præsentem statu ad  
summam gloriam peruenire, quam olim erat ex  
humili loco ad præsentem statum ascendere.  
Considera autem quod te adhortor, non ut bar-  
baros adducas aduersus hos, quos iniustum esset  
inuadere, sed ut græcos ducas aduersus barba-  
ros, aduersus quos maxime decet ortos ab Her-  
cule bella gerere. Neo mireris, quod sub-  
inde ad beneuolentiam ac mansuetudinem, hu-  
manitatisque officia græcis præstanda te adhor-  
tor. Vidco enim acerbicatem imperiorum, & ijs  
qui in subditos exercent eam, & illis in quos  
adhibetur, esse perniciosam, mansuetudinem ue-  
ro non solum in brutis & hominib. cæterisque  
omnib. probari, sed etiam in dijs, quorum qui be-  
neficia in nos conferunt, Olympij uocantur.  
Alij uero qui sunt ad pœnas suppliciaq; ordina-  
ti, odiosis appellantur nominib. Et hos honore  
afficimus tum priuatim tum publice positis aris  
ac templis, illis autem neq; uota neq; sacrificia fi-  
unt, sed depulse. Quæ te considerantẽ illis asues-  
cere ac meditari oportet, ut omnes multo de te  
præclarius quam hætenus scenciant. Nam quicum-  
q; maio-



q̄; maiorem, quam ceteri, gloriam expetunt,  
hos in animo sibi res possibiles quidem, sed  
uoto similes proponere decet, quas per occasio-  
nem perficere conentur. Cum autem ex mul-  
tis intelligere queas, quod hoc modo tibi agen-  
dum sit, maxime intelliges ex ijs, quæ Iasoni ac-  
ciderunt. Ille enim quanquam tantas res, quan-  
tas tu perfecisti, nunquam gessisset, maximam Iasonis Phe-  
tamen gloriam, non factis, sed dictis consequu-  
tus est. Prædicabat. n se in Asiam traiecturū esse, multo ante  
ut Persis bellum inferret. Quod si uero is, Philippum  
dissipato isto rumore fama, n nominis sui illustrio Thessalam te-  
rem reddidit, qualē ipsos de te opinionē habituros nuit.  
existimas, ubi hæc re ipsa perfeceris, ac præser-  
tim si totū regnū subigere conatus fueris. Sin mi-  
nus, regionē quantū poteris maximā cripias, eāq;  
Asiæ partē occupes, quā a Cilicia terminari ad Si-  
nopen aiunt. Vrbes præterea ibidem condas,  
et istos eo deducas, qui passim propter inopi-  
am rerum necessariarum uagantur, omnia quo-  
cumq; uenerint deuastantes. Qui nisi coacti in  
unum locum coherceantur, et quæ ad uitam  
sunt necessaria habuerint, paulatim nobis non  
animaduertentib. ita crescent, ut non minus  
græcis, quam barbaris formidabiles sint,  
quorum nullam gerimus curam, sed nobis omnib.  
augeri

Redit ad ad-  
hortationem.

Ab exemplo

Iasonis Phe-

ræi, qui non

ante

Philippum

Thessalam te-

nuit.

Deducendæ

Coloniæ et tra-

dendi agrî ua-

gis militib.



augeri communem metum ac periculum ignoramus. Est igitur prudentis uiri, qui et grecos. *Alia utilis ut græcia* diligit, et longius ante alios animo prospicit, talibus ut græcia contra barbaros abuti, ac tanta regione, quanta exoneretur in paulo ante diximus, abscisa uagos milites liberare quietis homini his malis, quæ et ipsi paciuntur, et alijs præbent. Tum constituere ipsis urbes, quæ græciæ coloniarum, ciam muniant, ac tanquam nobis omnibus propugnaculum esse possint. Hæc enim si feceris, non solum illos beatos, sed nos omnes etiam securos reddes. Sin autem frustratus fueris, tamen illud facile assequeris, ut ciuitatibus in Asia sitis pristinam libertatem restituas. Quidquid autem horum efficere potueris, uel tentaueris solum, non dubium est, quin longe clarior futurus sis cæteris. Nec immerito. Siquidem ipse tua sponte ad hæc incitatus, grecos quoque impuleris. Quoniam nemo est qui non iure nunc miretur ea quæ contigerunt, ac despiciat nos, quod apud barbaros, quos effæminatos et imbelles, et delimitos esse uoluptatû illeæbris existimabamus, uiri extiterint qui imperium græciæ concupiscere ausi sint. Nec grecorû quisquã habuerit tantû animi, ut dominos Asiæ nos efficiere conatus sit. Adeo autem superant nos animi magnitudine, ut cum illi ultro nobis iniuriam attulerint, nos ne laceßiti quidem propulsare uim



uim audeamus. Cumq; ipsi fateantur se in omnibus  
expeditionib. neq; milites neq; duces habere, nec  
ullis deniq; reb. ad pericula necessarijs instructos  
esse, sed hæc omnia a nobis accersi, tamen amen-  
tia nostra tanta est, ut cum tuto potiri illorum im-  
perio possemus, bella tamen inter nos de nihili reb.  
geramus. Et simul dum eos, qui ab imperio re-  
gis descuerunt, euertimus, non animaduertimus  
quod una cum paternis inimicis hos qui nobis co-  
gnati sunt, perdamus. Proinde existimo etiã te ex  
utilitate tua facturum esse, si cum alij tam effœmi-  
nati sint, bellum illi inferas. Deæt autem cæte-  
ros qui ab Hercule orti sunt, quiq; eadem repu-  
blica, & eisdem legib. tenentur, illam urbem ama-  
re, quam ipsi inhabitant. Te uero tanquam libe-  
rum natum, totam græciam patriam existimare,  
quemadmodum & progenitor uester, & pro ipsa  
æque te periculis obijcere, atq; pro ijs, quorum Cur ad Philip  
maximam curam geris. Fortassis autem aliqui me lipum potius,  
reprehendere audebunt, qui nihil aliud quam ca- quam suos ci-  
lumari possunt, quod omissa urbe nostra, te ad ues scribat.  
expeditionem aduersus barbaros, & ad suscipi-  
endam curam totius græciæ hortari uoluerim. Ego  
uero, si cum ullis alijs prius de his quam cum  
patria disputassem, quæ grecos in libertatem ter-  
asseruit, bis quidem a barbaris, semel a potentia  
Lacedæ-



Laedemeniorum', faterer me iure reprehendi.  
Nunc autem constat, quod primum illam summo  
studio ad haec cohortatus sim, sed ubi oratione  
meam animaduerti, minus autoritatis apud ip-  
sam habere, quam illos qui pro concione furebant,  
eam quidem missam feci, nec ideo tamen a suscep-  
to negotio destiti. Quapropter omnes me non  
immerito laudarint, quod quantum in me est,  
summam semper diligentiam adhibui, ut barba-  
ris bellum inferretur, et accusaui eos qui diuer-  
sum a me sentiebant. Persuadere autem istos co-  
natus sum, quos maxime sperabam posse, et de  
græcis benemereri, et praesentem foelicitatem  
barbaris eripere. Propterea etiam ad te ora-  
tionem nunc habeo. Quamquam enim oratio  
mea inuidiam subitura est, tamen res ipsas, ubi  
abs te perfectae fuerint, omnes probabunt, ac  
quamuis hoc consilium nemo adiuuerit, tamen  
omnes beneficio tuo frui uolent. Porro  
considera, quam turpe sit nobis perpeti Asiam  
dominari Europae, et barbaros opulentiores es-

Ab indignitate se græcis. Præterea Cyri posteros, quem  
confert enim in publicam uiam mater exposuerat, reges ma-  
ortum Cyri, et gnos nominari. Herculis uero posteros  
Herculis poste cuius ortum genitor ipsius propter uirtutem ad  
rorum. deos



deos retulit, humiliorib, quam illos titulis ap- Collatio loco-  
 pellari. Quorum nihil conædendum est, sed rum utilitatis  
 transponenda hæc omnia, & inuertenda sunt. & honestatis.  
 Scias autem quod nihil horum tibi persuade-  
 re conatus essem, si solam potentiam, & opes  
 te ex istis consequuturum uiderem. His  
 enim iam & abundare te puto, & omnes co-  
 rum copiam existimo consequi posse, quicumq;  
 pericula adire uoluerint ut aut hæc assequan-  
 tur, aut uitam profundant. Enimuero  
 horum causa non institui orationem, sed quod  
 amplissimam ac pulcherrimam gloriam tibi pro-  
 positam esse iudicaui. Cogita autem quod  
 omnes mortalia corpora habeamus, Verum  
 gloria, & laude, & fama posteritatis, im-  
 mortalitatem assequimur, quam qui concupi-  
 scunt, eos multa perferre decet. Vides hos  
 qui inter priuatos habentur honestissimi, quod  
 cum alioqui propter nullam rem in periculum  
 uitam adducant, pro insigni tamen gloria conse-  
 quenda, in bellis æquo animo mortem oppetant.  
 Quicumq; enim subinde maiorem famam concu-  
 piscunt, plane ab omnib. laudantur, qui uero nihil  
 aliud, quam quod uulgus nullo iudicio admiratur,  
 desiderant, abiectiores esse & deteriores  
 uidentur



uidentur. Quod autem omnium quæ dixi maximū  
est, sepe quidem contigit, ut imperia & opes  
peruenerint in hostium potestatem. At beneuolen-  
tia ciuium stabile bonum est, quæ non potest ad ali-  
os transmitti nisi ad liberos. Itaq; puderet me, ni  
si horum gratia, mouendam hanc expeditionem,  
& suscipiendam bellum, & periculum aduen-  
dum esse, tibi consuluissem. Verum ita de his op-

**Epilogus ad hortationis.** time statues, si non modo hanc te orationem, sed  
maiores egregijs factis atq; exemplis te adhorta-

ri existimaueris. qui propter susceptam aduer-  
sus illos expeditionem clariores facti, pro semi-

**Ab occasione.** deis habentur. Præcipue uero exascitet te tanta-  
rum rerum perficiendarum occasio, cum re-  
gum in Europa longe potentissimus sis, & is con-  
tra quem bellum geres, præ cæteris omnibus qui  
unquam fuerunt, odio & contemptui habeatur.

Magnopere uellem me omnia quæ de hac causa  
alibi dixi colligere posse. Operæpretium enim  
esset in hoc argumento elaborare. Verum oportet

te quoq; considerare hæc argumenta, & ex-  
pendere ea quæ ad præsens institutum faciunt,  
teq; ad bellum hortantur. Nec ignoro quod ple-

**A possibili.** riq; græcorum persicum exercitum inuictum es-  
se arbitrantur, quorum opinionem miror, quod  
copias ex seruis ab homine barbaro ac male insti-

tuto



tuto collectas, ab homine græco & rei militaris perito, non posse dissipari ab his qui libertatis retinendæ causa periculum suscipiunt, existimant, cum sciant, facilius esse delere magnos exercitus, quam comparare. Cogita autem, quod hos præcipuo honore omnes afficiant, qui utrumq; & domi gubernare respub. & foris bella gerere norunt. Cum igitur illos tantopere prædiari uideas, quorum eiusmodi aliquod erga unam ciuitatem beneficium extat, quantas laudes te consequuturum putas, ubi totam græciam beneficio tuo administrari tuisq; auspicijs barbaros funditus deletos esse, compertum erit? Ego quidem perfici rem posse statuo, cum nemo sit qui unquam maiores res gesserit. Nec maius abs te fieri quicquam potuit, quam quod inter græcos restincto bello publicam pacem & concordiam constitui. Neq; possibile erit barbaris semel amisso exercitu comparare nouum, & bellum instaurare. Itaq; nemo alius hoc tempore existit, etiamsi ingenio exallat, qui hoc efficere queat. Et res tuæ præclare & ex utilitate publicæ gestæ, maiorum res gestas quantumuis laudatas, superant. Plura enim regna euertisti, quam uel alij græci urbes expugnauerunt. Idcirco si cuiquam horum te conferre uelim, facile demon-

Ab honesto.

A persona Philippi regis quod nemo res maiores antea gesserit.

D strare



Collatio meri-  
torum & po-  
tentiae ex qua  
ratiocinatur  
honestius esse  
benefacere,  
quam magnā  
potentiam con-  
sequi.

strare quædam, quod res longe maiores quam illi  
geßeris. sed mihi duab. de causis abstinendum ab  
hac collatione duxi, tum propter eos qui non in io-  
co uterentur, tum propter hos qui istos, quos se-  
mideos fuisse persuasi sunt, nolunt postponi præ-  
sentib. Porro ut ueterum quoq; mentionem ali-  
quam faciamus, animaduerte quod Tantali opes,  
et imperium Pelopis, et Euristhei potentiam, nulli  
neq; oratores neq; poetæ laudauerint. Sed quod  
non solum Herculem qui longe exællit om-  
nes, sed etiam Theseum, & hos qui Troiam ce-  
perunt, ac quicumq; deniq; horum similes fue-  
runt, cuncti celebrauerint, quorum cum præ-  
stantissimos & optimos quosq; in paruis oppidis  
et insulis regnasse compertum habeamus, diuinam  
tamen atq; ob omnibus prædicatam nominis sui  
famam reliquerunt. Omnes enim amant eos, non  
qui magnum sibi ipsis regnum compararunt, sed  
qui autores plurimorum bonorum græcis extite-  
runt. Nec de regibus tantum, sed de omnibus  
hanc opinionem habuerunt. Quoniam nec  
urbem nostram ideo quisquam laudauit, quod  
imperium maris habuit, quod magna exacta  
pecunia socios in arcem perduxit. Nec  
quod multis deniq; ciuitatibus imperauit, quas  
partim euertit funditus, partim auxit, nonnul-  
las etiam



has etiam pro arbitrio suo gubernauit. Nam  
quidlibet horum facendi potestatem habebat.  
Sed hæ res odia pepererunt ei acerbissima. Pro-  
pter pugnam autem in Marathone, et propter  
nauale prælium ad Salamina commissum, quod  
communem istis grecorum salutem suæ antepo-  
suit, ab omnibus amplissimis laudibus uehitur.  
Idem et de Lacedæmoniis sentiunt, quorum in  
Thermopylis stragem pluris quam alias uicto-  
rias faciunt. Ac Trophæum quod a bar-  
baris aduersus eos erectum est, laudant et spe-  
ctant. Quæ autem a Lacedæmoniis contra  
alios erecta sunt, iniquo animo uident, illud  
enim uirtutis argumentum esse, Hæc uero  
cupiditatis arbitrantur. Quæ cum omnia perpen-  
deris atque apud te reputaueris, si quid frigidius  
dictum erit, rationem te ætatis meæ habere de-  
bet, cui omnes merito ignoscere debent. Sin autem  
horum quæ prius exposui, non dissimilia fu-  
erint, ea non meam senectutem inuenisse, sed toritatem ora-  
mibi diuinitus esse suppeditata credendum tionis per trās  
erit, non propter me, sed propter græciam, lationem ad au-  
quod eam dii a præsentibus malis liberare, torcm deum,  
et te maiore gloria cumulare uolunt quam ha- et se extenuat.  
Etenus contigit. Nec te ignorare opi-  
D ij nor



nor, quomodo res humanas dii gubernent.  
Non enim illi obijciunt bona ociosis, sed mentem  
incitant ad bona uirtute paranda. Sicut fortassis  
et nunc me ad dandum consilium impulerunt, te  
uero ad suscipiendum bellum destinauerunt, quod  
id gubernare te posse, meam autem orationem  
nulli molestam esse iudicent. Neque enim existimo  
te res maximas quas hactenus gessisti, sine ope  
**A** signo. diuina efficere potuisse, Atque affuit deus, non ut  
cum barbaris qui in Europa habitant perpetuo bel-  
lum gereres, sed ut in his exercitatus, uires tuas ex-  
perireris, et postea his animum adiiciendum es-  
se intelligeres, de quibus tibi consului. Turpe  
igitur est, fortuna ad optima ducentem nolle sequi,  
neque his se accommodare, ad quae perducere te  
conatur. Cum autem omnes honore afficere  
debes qui res tuas praedicant, tum illos maxime  
dignos honore existimes, qui ingenium tuum ma-  
ioribus rebus gerendis dignum putant. Nec hos  
solum qui in praesentia uirtutes tuas laudibus ue-  
hant, sed illos etiam qui hoc agunt, ut uniuersa  
posteritas te magis quam omnes omnium tempo-  
rum reges, admiretur. Plura disputare in hanc  
sententiam cum uelim, non possum, propter eam  
causam, cuius mentionem feci saepius quam opus  
erat. Reliquum igitur est, ut ea quae dicta sunt  
colligam



colligam, quib. in pauca collatis summam totius  
consilij mei perspicias. Sentio enim te benemere  
ri de græcis debere, ac regnum Macedonum ita  
constituere, ut barbaris quamplurimis imperes.  
Quod si hæc feceris, omnes tibi gratiam habe  
bunt. Græci quidem, quod maximis a te be  
neficijs affecti sint. Macedones quod regio non  
Tyrannico more regnaueris. Aliæ uero gen  
tes quod tuo beneficio a barbarica seruitute libe  
rate, græco more gubernentur. Hæc

utrum sint apte & satis accu  
rate a me scripta, uestrum  
iudicium erit. Hoc affirma  
re possum, nullum tibi cō

silium melius aut con  
uenientius huic  
tuæ potentie

atq; fœ  
lici

tati, quā

hoc meum  
est, dari posse.

FINIS.



ELEGIA DE ADVENTV CARO-  
LI.V.CAESARIS, SCRIPTA  
Augustæ ad Eobanum Hesium.

**Q**uod legis, Augusta tibi mittit ab urbe Sa-  
Carmen, amicicie deditus Hesse tuæ (binus  
Hinc, ubi uicinos Lycus irrigat alpibus agros,  
Sueuæq; Boiorum separat arua solo.  
Accipe, si qua tenet rerum te cura nouarum,  
Quæ fuit hic isto pompa peracta die.  
Carolus Ausonijs Cæsar quo uenit ab oris.  
Digna quidem res est cognitione tua.  
Concussa syderei quo tempore brachia Cancrī  
Ceperat adductis urere phœbus equis.  
Arctabatq; dies, noctis, longissimus, umbras  
Sole Lycaonio iam propiore polo.  
Et noua maturis instabat fructibus æstas,  
Actaq; purpurei tempora ueris erant.  
Cæsar ab Italia per Noricæ iugera tendens,  
Moenibus huc nostris adproperauit iter.  
Vix bene contigerat præmissus nuncius urbem,  
Certaq; Principibus fama relata fuit.  
Mox coit imperij cum nobilitate Senatus,  
Omnis in occursum turbaq; leta ruit.  
Haud secus, ac uictis eum dicitur hostibus olim  
Excepisse suos obuia Roma Duces.

Mille



Mille bis electi iuuenes e ciuibus ibant,  
Nota quibus sæui prælia Martis erant.  
Hi patriæ solito framceas de more gerebant,  
Transuerso cincti militis ense latus.  
Cætera cornipedum pars terga premebat equorū,  
Ordine quæ ciues pone sequuta fuit.  
Vrbs stat in exælsso procul edita uerticæ montis,  
Incola Fridburgum nomine turba uocat.  
Campus odoratis nitidissimus adiacet herbis,  
Mollis & aprico gramine terra uiret.  
Obuius hic factus cum Cæsar euntibus esset,  
Omnes, quotquot erant, desiliere Duæ s.  
Tunc, tuus excipiens illum Moguntia præsul,  
Hæc dedit ornatis uerba diserta modis.  
Fœlix ille dies, nostris quo redditus oris,  
Hesperio incolamis Cæsar ab orbe uenis,  
Quo repetita tuos iterum Germania uultus  
Conspicit & fruitur numine læta tuo.  
Tantus es inuictus qui pectore, tantus & armis,  
Quantus ab Augusti tempore nemo fuit.  
Nam mihi si rerum percurrere gesta tuarum,  
Si licet hoc coram te memorare loco,  
Insignes omni superas uirtute Monarchas.  
Quos dedit, aut unquam Teutonis ora dabit.  
Quæ toties Aquilas iniustis terruit armis  
Concidit ante tuos Gallia uicta pedes,

D iij

Captia



Captiuumq; pati conspexit uincula Regem.  
 Qui summus nostri nominis hostis erat.  
 Debellata tuis accessit Roma triumphis,  
 Iniussu quanquam capta sit illa tuo.  
 Quiq; suis orbem Tyberinus subdidit undis,  
 Te dominum domitis esse fatetur aquis.  
 Paret, & Adriacus stabili leo foedere iunctus  
 Casarcas rapidis unguibus horret aues,  
 Qui pelago terraq; potens, hostilibus armis  
 Imperio semper restitit ante tuo.  
 Sentit adhuc obsessas Florentia uires,  
 Iamq; tibi uictas porrigit illa manus.  
 Ergo tot aduersos cum debellaueris hostes,  
 Cognito laudato Carole maior auro,  
 Nos tibi gratamur reduci, superosq; precamur  
 Tempora quo uite sint diuturna tue.  
 Victor ut a nostro depellas limine Turcas,  
 Teutona qui ualido milite regna petunt,  
 Mœstaq; dant seuo grassantes funera ferro,  
 Pannoniæ miseros dum populantur agros.  
 Quod nisi crudeles tua dextera uicerit hostes,  
 Nos sumus infestis præda futura Getis.  
 At nisi me ueterum fallunt oracula uatum,  
 Sentiet ultrices impia turba manus.  
 Tempus enim Solymam quo castra loabis ad u<sup>ra</sup>  
 Adfore, fatidici præcinuere senes. (be<sup>m.</sup>  
 Qu<sup>oq;</sup>



Quoq; Saracenos coges uictoricibus armis  
Subdere Casarco barbara colla iugo.  
Hanc utinam nobis optato Lucifer ortu  
Prouocat, & roseo mox uehat axe, diem.  
Talia facundo postquam dedit ore, sequutum  
Ultima sermonis murmur equestre fuit,  
Audijt ut quando Ciceronem Roma loquentem,  
Clamoso fremuit concio tota foro.  
Principibus uero paucis pro tempore uerbis.  
Ipse suo grates nomine Caesar agit.  
Et, quia se prono condebat lumine Titan,  
Ocyus inceptum carpere pergit iter.  
Iamq; propinquant ut mœnia celsa subibant.  
Pulsa sub acrijs turribus æra sonant.  
Intonat ex altis & machina bellica muris,  
Sulfureo rapidos quæ iacit igne globos.  
Compita spectantis populi stant plena uiarum,  
Angustumq; frequens turba coarctat iter.  
Saxonie proceres intrabant ordine primi,  
Proximus his socios Marchio iunxit equos.  
Pone sequebantur, latis quibus Hæssia terris  
Imposuitq; suis nomina Rhenus aquis.  
Quiq; colunt patrijs flauentem sedibus Istrum.  
Quiq; tenent Francis edita rura iugis.  
Præterea celebri quos alluit amne Visurgis,  
Vestphala cæruleis qui rigat arua uadis.

D 7

Quid



Quid tibi commemorem, qui nobile flumen Iberi  
Diuitis & ripas deseruere Tagi?  
Incomperta mihi quorum nec nomina constant,  
His neq; conueniunt uersibus apta meis.  
Innumcri iuuenes mixto clangore tubarum,  
Quassabant agili tympana pulsa manu.  
Binaq; Cesarei gestabant sæptra ministri,  
Imperij summos qui præiere Duces,  
Ex quibus auratum septemuir prætulit ensen,  
Saxoniam placida qui modo pax regit.  
Hac igitur longa procerum stipante cæterua,  
Atq; Ducum tanta concomitante manu.  
Ipse figurata picti sub imagine cœli.  
Inuectus niueo Carolus ibat equo.  
Omnis in hunc oculos defixos turba tenebat,  
Omnibus hic populis solus in ore fuit.  
Inde Bohemorum qui regna uetusta gubernat.  
Proximus a Diuo Cesare frater erat.  
Ultimus orator Romani præsulis ibat,  
Nomine Campeium se uocat ille suo.  
Insignis Tyrio quem muricæ mula uehebat.  
Mos ut in Hesperijs urbibus esse solet.  
Tempora puniceus cingebat operta galcrus,  
Canicie nigras inficiente comas,  
Tunc iter, Austriaci proceres, Hæduiq; sequuti,  
Atq; Tridentinus continuabat eques,

Vina



Vindeliciq; suo redeuntes agmine ciues,  
Qui prius egressi mœnibus urbis erant.  
Ardua sublimi spectatur culmine turris.  
Hic ubi stat medio curia iuncta foro,  
Quæ Germanorum ueteres ex ordine Reges.  
Pictaq; clarorum continet acta Ducum.  
Hic fera robusti miscant ubi prælia Cimbri,  
Attonito pauidus milite Carbo fugit.  
Nexa gerit Scaurus captiuo uincula collo  
Cæsus et hostili Manlius ense cadit.  
Impiger Arminius Romanos exuit armis.  
Quo ducæ libertas nostra redempta fuit.  
Parte alia Scythicis egressos finibus Hunnos,  
Primus Otho forti pectore uictor agit.  
Multus ad hanc turrim longo stetit ordine celerus,  
Cæsare contigua prætereunte uia.  
Omnibus abraço detonsi uertice crines  
Omnibus ex humeris candida uestis erat,  
Inde sacram diuæ subeuntes uirginis ædem,  
Carmine solenni concinuerunt preces,  
Arboreis stabant decoratæ frondibus aræ,  
Sparsaq; iactatis templa fucere rosis.  
Interea toto subducta crepuscula cœlo,  
Ortaq; roriferæ tempora noctis erant,  
Dimissis igitur Ducibus, cum fratre subibat  
Carolus hospicij tecta propinqua sui.

Atq;



Atq; ita, quam celebri res tota sit acta triumpho.  
Omnia descriptis ordine rebus habes,  
Cetera presenti coram sermone loquemur,  
Tempore quo repetam moenia uestra, Vale.  
FINIS.

DIONYSII HALICARNASSENSIS  
sententia de Isocratis orationibus, ex qua iudica-  
ri potest, hanc orationem quam uertimus in præ-  
cipua admiratione apud græcos fuisse,  
quod eas res uideretur complexa esse,  
quæ maxime tuendæ essent  
magno principi.

**Q**VI ad remp. accessuri sunt, hunc orato-  
rem in manib. habere debent, et qui uerā  
philosophiam, quæ non uersatur in disputationi-  
bus, sed in reb. gerendis amplectuntur, quiq; non  
illud ociosum uitæ genus in quo ipsi suauiter ui-  
uant, sed negotiosum et utile reipub. uitæ genus  
sequuntur, his censeo hunc oratorē legendum at-  
q; imitandū esse. Quem nō accendat ad patriæ a-  
morem, et laudes amplificandas, et ad bene faci-  
endum reipub. oratio panegyrica ad Philippum  
scripta, in qua commemorans res gestas ueterū,  
ostendit eos non solum in re militari fortes et a-  
cres fuisse, sed etiam domi moderatos, dignitatem  
conser



conseruantes, & continentes & magis de re pu-  
blica quam de priuatis rebus sollicitos, nec aut a-  
liena, aut impossibilia affectasse, et foelicitatem no-  
metitos esse pecuniae magnitudine, sed honestate,  
existimantes se maximas opes relinquere poste-  
ris, & minime inuidiosas, si relinquerent eis bene-  
uolentiam erga se ciuium. Præterea honestam  
mortem longe meliorem esse ignobili uita ducebant,  
& dabant operam non tam ut nouas leges accura-  
te scriberent, atq; emendarent, quam ut ueteres co-  
seruarent. Nec contendebant inter se ut interfectis  
ciuib. occuparent imperium, sed ut alteri alteros  
beneficijs superarent. Et eadem ratione utentes er-  
ga uniuersam gratiam deuinciebant sibi ciuitates,  
quas in potestate suâ redigebant beneficijs adiun-  
ctas, non ui captis, promissa fidelius seruantes quam  
nunc seruent iusiurandū. Et pacta, religiosius faci-  
entes quam nunc ui imperata faciant. Sic se gere-  
bant erga subditos quemadmodum se tractari uo-  
luissent, si qui eis imperassent. Cumq; hoc modo se  
gererent, in suis quidem ciuitatibus habitabant, sed  
uniuersam gratiam patriam esse ducebant.

Quis autem uir potens non libenter legat  
alteram orationem scriptam ad Philppum Mae-  
donem, in qua hortatur bellicosum ac potentem  
Principem, ut gratas ciuitates in concordiam  
redigat



redigat, ne excitet inter eas intestinū bellū, sed  
proferat fines imperij græcorū, et omīssis indignis  
ac pusillis rebus, talia suscipiat, quibus perfectis  
clarissimus omnium ducum euadat, & ut maxime  
non perficiat, tamen beneuolentiam græcorum  
maximā consequatur, quam qui adepti sunt, clari-  
ores fuerunt alijs, qui maximas urbes atq; regio-  
nes æperunt. Hortatur eum & honestissima con-  
silia Herculis & aliorum ducum imitari, qui bel-  
la cum barbaris gesserunt, & dicit magnos prin-  
cipes, qui excellere alijs uolunt suscipere oportere  
res magnas atq; utiles uniuerso generi huma-  
no, nec reformidare pericula, cogitantes quod  
cum constent ex mortali corpore, immortales pro-  
pter uirtutis laudem futuri sint, et quia aliorum bo-  
norum immodicæ cupidos odio prosequimur, at  
maiorē gloriam expetentes laudant oēs, et alia-  
rū rerū uidelicet opum atq; imperij possessionē ad  
hostes peruenire, gloriā uero uirtutis et beneuolen-  
tiam publicam nō peruenire nisi ad hos qui ex no-  
bis nati sunt. Hæc cum legunt principes, fieri non  
pōt quin ad magnitudinē animi & uirtutem ac-  
cendantur.

Quomodo autem uehementius hortari homines  
priuatim et publicæ quispiā possit ad colendam iu-  
sticiam, quam hortatur Isocrates in oratione de  
pace



pace, in qua sunt Atheniensib. ne concupiscant  
 aliena, sed sua ditione contenti sint, et paruis oppi-  
 dis tanquam proprijs facultatib. partiant, socios  
 autem studeant beneficijs in fide retinere, non u-  
 atq; se uicia, ac maiores imitari, non qui proxime  
 ante bellum cum Lacedæmonijs gestum funditus  
 euerterunt rempub. sed illos qui græciam olim ad-  
 uersus Persas defenderunt, & sine ambitione ui-  
 xerunt. Ostendit etiam quod respub. non possit au-  
 geri ui atq; armis, sed iusticia. et beneficentia er-  
 ga hos a quibus depellunt iniurias. Hortatur &  
 ad conciliandas uoluntates omnium suæ nationis  
 ciuitatum, et ut apparatus quidem belli et exer-  
 citus habeant, sed ne cui iniuriam afferant, docet  
 q; nihil ad augendas opes atq; imperium magis  
 conducere, quam iusticiam, & obiurgat alios, qui  
 diuersum sentiunt, qui iusticiam inutile esse iudicant,  
 et uiolentiā ac fraudes in longū profuturas esse pu-  
 tant, etsi in præsentia alicubi aliquid lucri afferant.  
 Nec mihi honestiora nec magis uera, aut philoso-  
 phiæ cōsentanea dici posse, hac oratione uidentur.

ERRATA. A ij pro iuuenis sup-  
 plex, lege, iuuenis supplex, et gentes pro gestes.

A iij, quiq; sæpe in Europa traiecerant, lege in  
 Europam. A iiij. imaginem, pro uingainem. A vi. in  
 dicionem pro indicionem. Et imprudentur, pro im-  
 prudenter. Et cōponi rem pro componi rem.



επιστολὴ ἢ σημειῶν αὐτῶν ἀλλήλων ἀδελφῶν  
ἢ καὶ ἄλλων ὁμοίων  
ἀπὸ τοῦ αὐτοῦ γένους ἀπὸ τῆς ἐκκλησίας  
ἢ ἀπὸ τοῦ ἑκκλησιαστικοῦ ἢ ἀπὸ τοῦ  
ἐκκλησιαστικοῦ ἢ ἀπὸ τοῦ ἐκκλησιαστικοῦ  
ἢ ἀπὸ τοῦ ἐκκλησιαστικοῦ ἢ ἀπὸ τοῦ ἐκκλησιαστικοῦ

ἢ ἀπὸ τοῦ ἐκκλησιαστικοῦ ἢ ἀπὸ τοῦ ἐκκλησιαστικοῦ  
ἢ ἀπὸ τοῦ ἐκκλησιαστικοῦ ἢ ἀπὸ τοῦ ἐκκλησιαστικοῦ

ἢ ἀπὸ τοῦ ἐκκλησιαστικοῦ ἢ ἀπὸ τοῦ ἐκκλησιαστικοῦ

ἢ ἀπὸ τοῦ ἐκκλησιαστικοῦ ἢ ἀπὸ τοῦ ἐκκλησιαστικοῦ



